



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1431. usque ad annum 1441

**Fleury, Claude**

**August. Vind. [u.a.], 1768**

**VD18 90118316**

§. 87. Consultatio Papæ cum Græcis de Synodi negotiis.

---

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Secul. XV.  
A. C. 1428.

dinalium, confidere fecit; denique sex illi Metropolitæ ad osculum pariter admissi, sinistrum Patriarchæ latus stantes stipabant. Post hos ceteri Græci, qui Patriarcham comitabantur, alternis vicibus seni ac seni ad cubile Pontificis introducebantur, qui obsequii sui homagium pro diverso dignitatum suarum gradu exhibebant, aut faciem, & Papæ dexteram deosculantes, quod Episcopis, & primis Ecclesiæ Constantinopolitanæ Ministris concessum, aut profunda veneratione illum salutantes, quod ceteris Clericis prescriptum erat; Laici vero Papæ pedes genuflexi deosculabantur. Hæc ita permixta fuere, ut Græcorum consuetudini pro ratione temporis indulgeretur.

§. LXXXVII.

*Consultatio Papæ cum Græcis de Synodi negotiis.*

*Vide supra*  
§. LXIX. &  
§. LXXVII

Elapso aliquot dierum spacio actum est cum Imperatore, & Patriarcha de celebranda Synodo, cujus jam binas Sessiones fuisse præmissas meminimus, quarum prima habebatur die decima Januarii Præsidente Nicolao Albergato, quem Pontifex tanquam Legatum paulo ante adventum suum Ferrariam miserat; altera vero die decima quinta Februarii ipso Eugenio præsentem. Igitur Papa de sincera

Græ-

Græcorum mente certior factus, trans-  
actis honorariæ pompæ diebus, de unio-  
nis negotio cum illis serio agere medita-  
tur. Cum vero Imperator constanter po-  
stularet, ut Reges, & Principes Europæ  
vel per se, vel per Legatos celebrandæ  
Synodo interessent, tandem unanimi vo-  
ce conclusum, primam Sessionem *Latino-  
rum cum Græcis* die nona Aprilis haben-  
dam esse; quo captioso dicendi gene-  
re (\*) universum orbem inducere cona-  
tus

Sæcul. XV.  
A. C. 1438.

Y 4

(\*) Non captiosum, sed sermonem appri-  
mitati consonum fuisse constat; quippe num  
perfectius Ecclesia Orientalis repræsentari po-  
terat, quam ubi eorum Patriarcha Constanti-  
nopolitanus cum ceteris Græcorum Patriarchis,  
potissimis Archiepiscopis, Episcopis, Abbatibus  
Monachis atque Doctoribus pietate ac scientia  
longe celeberrimis in Synodo congregati ade-  
rant. Ubinam, amabo, Ecclesiam Latinam me-  
lius repræsentatam crederes, in Ferrariensi, vel  
Basileensi Concilio? Cum in hoc summus Ponti-  
fex, octo Cardinales. Patriarchæ duo, octo Ar-  
chiepiscopi, & quadraginta septem Episcopi, ac  
plerique alii digni Prælati, penes quos in Sy-  
nodis judicandi ac decidendi auctoritas, non  
autem penes sæcularium Principum oratores  
residet, convenerant; quinam vero Basileæ fue-  
rint, ex Augustino Patricio in sua Hist. Conc.  
Basil. Florent. §. LIV. quem Scriptorem Con-  
tinua-

Sæcul. XV.

A. C. 1438.

tus est Pontifex, ut crederet, quod utraque Ecclesia Orientalis, & Occidentalis Ferrariæ in legitima Synodo, ad quam omnes Principes & Prælati vocati essent, congregata existeret. Præterea statutum, Sessionem secundam, ut unicuique facilis pateret accessus, nonnisi quatuor mensibus post primam decursis celebrandam esse, intermedium vero tempus particularibus congregationibus dicendum, in quibus sexdecim Viri doctrina celebres ex Latinis, ac totidem ex Græcis seligerentur, qui in disputationibus, ac collationibus juxta præscriptas leges institutis, in medium proferrent, quæ circa Articulos in ipsa Synodo examinandos pronuntianda forent.

## §. LXXXVIII.

*Articuli in Ferrariensi Synodo discutendi.*

Potissimi vero erant sequentes quinque.

I. De Processione Spiritus sancti.

II. De

tinuator noster severum veritatis assertorem deprædicat, percipiamus: *Secedit magna pars Patrum, quæ Pontifici erat insensa, & Concilium in Italia nullo pacto volebat: hæc factio ex vili plebe magna ex parte constabat; quamvis duces haberent Cardinalem Arelatensem, & nonnullos alios Prælatos.*